

Shu phah Whatsapp
ne Phone ha une
u Number
8794745117

❖ Ki Classified Advertisement
 ❖ Ki Display Advertisement

Ban pynmih ha ka Kotkhubor
Sa siew Online Payment

Mawphor

Khabor Khasi Ba Man Ka Sngi Ba Nyngkong

READINGTON
 Restaurant
 Bed & Breakfast

Mawlai Mawjong Rim
 Shillong, Meghalaya

81320 00254 / 93781 87148
 /87875 66272

VOL. XXXVII (37) NO. 150 RNI REGD. NO. 70648/99 SHILLONG - 03 JYLLIEW (JUNE) SNGI BALANG (WEDNESDAY) 2026 mawphor.com Postal Regn. No. NE - 851. 5/- TYNGKA

Hadien ka jingialang ka HLM halor ka Lapangap

Rai Meghalaya bad Assam ban bteng ka kam rep ha Lapangap bad ban pynneh ia ka shongsuk



Jowai, Jylliew 2: Ka High Level meeting ba kynthup ia ki nongmihkhat na ka sain pyrthei, ki Heh Ophisar bad ki Pulit, bad nongmih khmat na ki District Council na ka Sorkar Meghalaya bad Assam, ki la pynlong mynta ka sngi ha Assam Police Camp ban ia kren halor ki kam ba iadei bad ka jingiakajia pud ha ka thain Lapangap.

Katkum ka kyrwoh khabor na ka ophis jong u Deputy Commissioner, West

Jaintia Hills District, Jowai la pyntip ba ia kane ka jingialang la pynlong kum ka jingpynbteng ia ka sienjam bala shim ha ka kyrdan ba halor eh da u Myntri Rangbah ka Meghalaya, uba dang shen ula shong iakren bad u Myntri Rangbah ka Assam da ka jingthmu ban wad ia ki lad ki lynti ba mynjur lang bad ba jai jai ban punbeit ia ki jingeh kiba mih ha ka thain.

Haba pynbud ia kine ki jingiakren, la shim ia ka rai ba

kan don ka jingialang na baroh arliang kaba kynthup ia ki nongialam sain pyrthei, ki heh Ophisar, ki nong mihkhat ka thain ban pynsuk ha kaban shim ia ka rai ba mynjur lang.

Kiba mih khmat ia ka Assam ki long u Dr. Tuliram Ronghang, MLA bad Chief Executive Member (CEM), Karbi Anglong Autonomous Council (KAAC); u Amarsing Tisso, Member of Parliament; u Ajay Kumar Tiwari, IAS,

Ka jingpyntreikam da ka IEMS kan tehlakam ia ka jinglaittuha ka khajna ong ka tnad Excise

Shillong, Jylliew 2 : Ka Sorkar Jylla ka la pynksan ia ki jingpynkylla ia ka rukom treikam ka Tnad Excise bad pyntreikam da ka Integrated Excise Management System (IEMS), da kaba ong ba kine ki rai ki dei kiba la shim da ka jingthmu ban wanrah ia ka jingtreikam kaba shai kaba

khuid ba suba ban tehlakam ia ka jinglait tuh ka khajna bad iaid kat kum ki jingpyrkhing hapoh ka Ri.

Kane ka jingpynshai ka la mih hadien ba ki nongkhaai khamtam ki nongdie dukan wine store ki la pyrshah ia ka IEMS namar ka jingduna ka jingiohngong.

Ha ka kyrwoh ba la pynmih ha ka sngi Ba-ar, ka Tnad Excise, Registration, Taxation & Stamp ka la ong "ba ka la shimkia ia ka jingkren jong ki katto katne ki seng dukan kyad phareng (retailer) ba iadei bad ka Integrated Excise Management

Bteng sla 5

iatylli noh ka Seng Khasi bad Niamtre

Ai noh da ka Niam Khasi Niamtre haba wan kiba lum khanasamari, ong ki nongialam Sengkhasi Niamtre



Ki rangbah ba dang pynlait ia ka kot.

Shillong, Jylliew 02: Ka Sengkhasi Sengkmie bad ka Niamtre ha ka sngi baar ki la buh noh da kawei ka kyrteng na ka bynta baroh ki khun Khasi Pnar kiba dang bad dang ksho hapoh ka niam Khasi Niamtre hapoh ka ri Khasi

Jaiñtia baroh kawei na ka bynta ban pynsuk ha ka por ka jingwan lum khanasamari kaba dang iaid shakhmat mynta jong u snem 2027.

Haba kren sha ki lad pathai khabor u Vice President ka Seng Khasi Sengkmie

u Rangbah P D Nongrum u la ong ba ha kane ka sngi na ka liang ka seng Khasi bad ka Niamtre la ia mynjur lang ban buh noh da kawei ka kyrteng na ka bynta baroh ki Khasi pnar kiba dang ksho hapoh ka

Bteng sla 5

Na iingbasa ha Police Bazar lap ki Pulit ia 4 ngut ki khynnah ba jah na Jorhat

Shillong, Jylliew 2: Ki Pulit ka Sadar Police Station bad ka Women Police Station hadien ba la pynlong ka jingwad bniah kila lap noh ia khynnah kiba jah na Jorhat na kawei ka hoteh ha ka thain Police Bazar.

Katkum ka kyrwoh khabor na u SP ka East Khasi Hills u Bah Vivek Syiem u la ong, Hynnin ka sngi la ioh jingtip ba 4 ngut ki khynnah (2 shynrang bad 2 kynthei) ki la jah rngai na Jorhat.

Bteng sla 7

Balei u Syiem Khynnah ka Hima Mylliem um lah ban shimti kum u Acting Syiem buh jingkylli ka iingbisha HC ia ka KHADC

Shillong, Jylliew 2 : Ka ling Bishar High Court jongka jylla ka la shim khia bha ia ka hukum ba pynmih da ka Khasi Hills Autonomous District Council (KHADC) ba ong ba u Syiem Khynnah (Deputy Syiem) ka Hima Mylliem u Mansan Manik Syiem, "um long uba bit" ban shimti ia ka kam Acting Syiem ka Hima Mylliem namar ba u dei u para jong u Syiem ba shah sospon.

Haba shong bisha ia ka mukotduma ha ka 1 tarik Jylliew, u Justice HS Thangkiew ula pynsngew ba u nongmdui ula pynpaw ia ka kam kaba sngew iahap bha ban tuklar da kane ka iing Bishar mynta hi" bad buh ia kane ka kam ban nang

Shong Bishar shuh shuh ha ka 3 tarik Jylliew, 2026.

Ka jingmdui ka tynjuh pyrshah ia ka hukum jong ka Khasi Hills Autonomous District Council (KHADC) ba pynmih ha ka 22 tarik Jymmang, 2026.

U nongiasaid u nongmdui u Philemon Nongbri, ula iasaid ba ka hukum ka dei kaba la "soi tang da u Executive Member marwei, kaba long pyrshah ia ka Kyndon Aiñ ba 25 jong ka Khasi Hills Autonomous District (Appointment and Succession of Syiem, Deputy Syiem, Electors and Rangbah Shnong of Mylliem Syiemship) Act, 2007."

Bteng sla 5

40 hajar kilo ka dohkha yn pynmih ka shnong Mawlyndep ha ka shisnem

Plie u MP Rajya Sabha ia ka Biofloc Fish Farming Unit ba 1.12 klur, nador kiwei ki kam pynroi ha SAGY- II

Nongpoh, Jymmang 02: Ka long ka jingkyrkhu kaba khraw iaka shnong Mawlyndep ha Ri-Bhoi District ka shnong bala jied kyrpang da u MP ka Rajya Sabha u Dr WR Kharlukhi ban rah iaki kam pynroi bad ban long ruh ka model village, hadien ba u Dr WR Kharlukhi mynta ka sngi ba ar u la leit ban plie paidbah iaka Community Biofloc Fish Farming Unit bad bun tylli kiwei pat ki



U MP ka Rajya Sabha, u MLA Umsning bad ki ophisar ha ka program.

projek hapoh ka Saansad Adarsh Gram Yojana (SAGY-II) bala pyntrei lyngba ki skhim bapther bapther naki tnad sorkar bapther bapther.

Ia kane ka Community Biofloc Fish Farming Unit, kaba don 15 tylli ki Unit la tei ha ka jinglut kaba kot sha ka T. 1.12 klur, lyngba ka Meghalaya State Aquaculture Mission 2.0, da ka jingkyrshan lang jong ka DRDA Ri Bhoi

Bteng sla 5

Sngewkhia ka Dorbar Shnong Umkiang bym biang ka bording ha ka thain

Shillong, Jylliew 02: Ka Dorbar Shnong Umkiang, ka pynpaw ia ka jingsngewbyniaw halor ka jingbym biang ka bording electric ha ki thain Umkiang ha kine ki 2/3 bnai naduh ba lah sniew ka Sub-station kaba don ha shnong kuliang. Ka jingduh light ka long khah khah khamtam ha ka por mynmiet manla ka sngi. Ka jingbym biang ka bor ding electric ha ki thain Umkiang, ka la ktah haduh katta katta, nador ka thain ka long kaba

Bteng sla 5

Prong ki runar ha ophis NEHUTA, rong-ei ki tiar ba remdor

Shillong, Jylliew 02: Ki pulit ki la iathuh ba u Security Officer In-Charge, NEHU, Shillong, u la phah ka jingujor ba ha ka 29 tarik u Jymmang ha ka por kumba 10.30 baje mynstep, ki runar bym lah ban ithuh ki la prong hapoh ka Office ka NEHUTA ha NEHU Campus, Shillong bad ki la tuh artylli ki electric kettle, 3 tylli ki halogen heater, kawei ka printer, kawei ka CPU, kawei ka UPS, artylli ki water tap bad artylli ki OVC pipe kiba shongdor T. 64,500/-.

Kyntu ka HYDC ia u Conrad na ka bynta ka Employment Policy ha baroh ki bynta

Shillong, Jylliew 2: Ka Hynniewtrep Youth Development Council (HYDC) ka la kyntu ia u Myntri Rangbah ka Jylla u Conrad K Sangma ban thaw ia ka Meghalaya Employment Policy kaba bniah bad ban pynkhlain shuh shuh ia ka jingpyntreikam ia ka MIIP-2024 da kaba kdew ia ka jingduna ki kam lajong bad ka jingpynkhein ia ka ain labour.

Da kaba kdew ba ka bynta kaba khraw jong ki lad kamai ka wan na ki bynta jong ki kam shakri, ka HYDC ka la ong ba

Bteng sla 5

Ka NPP ka iing ba iatylli kan burom ia ka rai ki nongialam halor u MP Rajya Sabha

Shillong, Jylliew 2 : U Nongialam ka NPP bad Myntri Sorkar u Ma Wailadmiki Shylla ha ka sngi Ba-ar, ula ong ba kam shym don satia kano kano ka jingiashrut hapoh iing halor ka jinglong kyrtong sha ka shuki MP Rajya Sabha, haba

bynrap ba ka rai ba khathuh ka shong eh ha ki Nongialam ba halor. Kum ka iing ba iatylli yn pdiang bad mynjur ia ka rai jong ki nongialam.

"Phi iohi, khlem pep nga don la ka jong ka jingsngew,

Bteng sla 5

Ym iahap ka jingtih dewiong katkum ka juk Saian ha Jaiñtia dei ban iakren noh bad ka sorkar pdeng : Wailad

Shillong, Jylliew 2 : U Myntri Sorkar bad nongaiaktien ka MDA Ma Wailadmiki Shylla ha ka sngi Ba-ar, ula ong ba ka Sorkar Jylla ka la pynioh ia ka jingweng noh ia ka hukum khangtih dewiong, hynrei ula ban jur ba ka jingpynkynriah sha ka jingtih par kat kum ka juk saian ka la pyni ba kam lah treikam satia na ka bynta ki nongtih par kiba rit ba ria ha Meghalaya.

"Ka jingkhah tih dewiong kam dei kaba pynjari da ka

Bteng sla 7

Ha u Conrad phah tuklar lem ka KJGCSA halor ki bill ba sahteng na ka JJM

Shillong, Jylliew 2: Ka Khasi Jaiñtia Government Contractors & Supplier Association (KJGCSA) ka la aiti ia ka dorkhas sha u Myntri Rangbah ka Jylla u Conrad K Sangma, da kaba pan jingiarap mardor halor ki

jingeh ba ki government contractors and suppliers ki iaknynduh ha ka Jylla.

Ha katei ka dorkhas, ka Association ka la ong ba ki kontraktor trai ri ha Khasi Jaintia ki shah pynduh lad ban ia shim bynta bad ban

ioh jingmyntoi na ki projek sorkar hapoh ka District." Ki la bynrap ba "ki jingeh ha kaba iadei bad ka jingsiew bill ka bym long ryntih" ka ktah ia ki dkhot bad ka kamai kajih bad ka jinglah ban trei

Bteng sla 7

Ioh ka St. Mary's Higher SS ia ka Solar Photovoltaic (PV) Plant ba 50 KW kaba hehtam ha ki jaka pule

Shillong, Jylliew 2: U Myntri Rangbah ka Jylla Conrad K Sangma mynta ka sngi ula plie ia ka Solar Photovoltaic (PV) Plant ba 50 KW ha St. Mary's Higher Secondary School Shillong, kaba la pyntrei lyngba ka Chief Minister's Solar Mission, kaba pyni sa uwei pat u mawjam ba kongsan sha ka jingpyndonkam ia ka bording ka bym lut shuh ne renewable energy bad ka roi ka par kaba neh hapoh ka Jylla.

Ia ka project la pyntrei da ka Meghalaya New and Renewable Energy Development Agency (MNREDA) bad ka dei kawei na ki jingpyndait ia ki kor solar kaba heh duh ha ka jaka pule ha Meghalaya. Kane ka kor ba 50KW, kaba shongdor kumba T.50 lak, ka don ia ki battery ban kyrshan bad la khmih lynti ba kan synniang shikatde eh sha ka jinglah



pyndap ia ka jingdonkam bording jong ka skol lyngba ka bording kaba khuid bad ka bym lut shuh.

Haba kren ha ka jingialang, u Myntri Rangbah Conrad K Sangma ula pynpaw ia ka jingkongsan ka bording ka bym lut shuh haba pyndonkam ha ka jingiakhun ia ka jingkylla ka suinbneng bad pyntihkna ia ka lawei kaba dap ba biang na ka bynta ka Meghalaya.

"Ka bording bym lut shuh kam dei shuh tang ka jingmut-ka dei ka jingdonkam jong ka por" ula ong haba pynpaw ba ka jingngang jur ki jingktah jong ka jingkylla ka suinbneng ia ka mariang, ka kamai kajih bad ka jngim ba man ka sngi kala pynlong ia ka Sorkar bad ka imlang sahlang ban wad

Bteng sla 7

Khliehriat Jylliew 02: Ka jingiakhih kaba la pynlong da kaba shong shah thngan ba la lamkhat da u President jong ka Jaintia Coal Owner, Miners Supplier and Workers Association (JMCSWA), u Bah Marshal.S.B.Biam bad ki

dkhot, ka dang iai bteng, ia kane ka jingshah thngan ki la sdang naduh ka sngi Nyngkong ha ka por 10 baje mynstep bad ka seng ka la shim ia kane ka sienjam ban pynpaw bad pynsngew sha ka

Bteng sla 7

Lap ki BSF ia ki masi ba la ieh, ba thmu shalan be-aiñ sha Bangladesh

Shillong, Jylliew 02: U shipai BSF jong ka BOP Pyrdiaw u la phah ka jingujor ba ha ka 28 tarik u Jymmang ha ka por kumba 11.45 baje mynmiet, ki shipai BSF ki la iohi ba don ki brierw kiba iaid na ka khlaw kaba pyniasoh bad ka BP NO. 1272/5-S; hynrei hadien ba ki la iohi ia ki BSF kitei ki runar bym lah ban ithuh ki la phet krad na katei ka jaka.

Kham hadien, hadien ka jingwad bniah ki shipai BSF ki la lap ia ki masi ba la ieh na ka PO, kaba la kynnoh ba la thmu ban shalan beaiñ sha Bangladesh.